

宋朝大詔令集

宋朝大詔令集卷第一百七十八

政事三十一

休假

六月六日賜休假詔

大中祥符二年六月己丑

去歲將封岱岳存降元符常展禮之有期荷儲祥於是日況薰風溽暢朱夏清和宜推休朝之恩用慶厯鴻之貺在京百司及諸路並賜休假一日自今六月六日推此

冬至恭謝禮畢別給假三日詔

大中祥符五年閏十月己丑

一陽肇新蓋惟令節百司休務者在舊章屬陳薦獻之儀用恭真靈之貺眷齊明之匪懈致歸沐之未還宜示鴻私別頒假令將奉恭謝禮畢別給假三日

俸使

復置俸戶詔

州縣之職民政是親自來所請料錢多是折以他物既將貨易未免
擾人豈惟傷廉抑亦犯禁且民為邦本祿以代耕俸給苟或不充官
吏使以知勸懲天下令錄簿尉判司等宜准漢乾祐三年勅復於中
等無色役人戶內置俸戶據本處所請料錢折支物色每一貫文給
與兩戶貨賣逐戶每月輸錢五百文除二稅外與免餘役其所支物
色每歲委官隨黍鹽一併給付如州縣闕正員差人承攝者准此

罷職官置俸戶詔

開寶四年十一月

吏不廉則政治削祿不允則飢寒迫所以漁奪小利蠹耗下民隳壞
而作矣既責其情節宜示以優恩自今諸道州縣職官並依州縣官
制置俸戶

創南幕職官增俸詔

太平興國二年四月壬寅

劉南諸州幕職官奉捐本土從官異鄉皆祇畏於簡書宜稍增於原
祿於常俸外月更給錢五千仍許令依州縣官例分舊俸之半於鄉
里給其父母妻子

刑寺官俸增見錢詔

太平興國七年八月乙亥

金科玉條所掌尤重非稍優其常俸何以勸其盡心自令刑部大理
寺官自少卿郎中以上月俸支二分見錢員外郎已下全支實俸

廣南西川漳泉福建州縣之官給券宿郵置詔

雍熙四年八月甲辰

應除授廣南西川漳泉福建州縣客等訪聞久居選調多是貧虛涉
此長途將何以濟自令並另給券宿於郵置

内外文武官俸以實價給詔

雍熙四年十一月庚辰

王者設班爵以馭貴差祿秩以養所宜各想賢厥官共成庶務顧其
稍食宜在優豐應内外文武臣僚等折支俸錢舊以八分為十分支

給自今並以實價給之

幕職州縣官俸半給緡錢詔

端拱元年六月甲申

王者設官分職求材任能必若責其廉隅所宜豐其廩祿令州縣之吏最為親民俸祿至微甚無謂也先是除西川廣南外諸道州府幕職州縣官俸錢三分中二分給以他物自今以緡錢給其半餘以他物充

致仕官給半俸詔

淳化元年五月甲午

辭榮知止仕進之難能尚德優賢邦家之達道周有安車之賜漢推東帛之恩用厚貞退之風幸為經久之制因念乞骸告老納祿歸田賢哉之嘆則深弋者之慕何及罷茲原給長往邱園苟奉養之闕如必邁軻而為慮二月賜告曾何足言十世宥能于是乎在矧皆耆舊早歷官常宜給俸給以隆朝獎應曾任文武職事官恩許致仕者並

給半俸以他物充於所在州縣支給

增幕職州縣官俸見緡詔

淳化四年十一月甲子

今幕府州縣之職官字民為政俸祿尚薄責任尤重宜稍優異以旌勸之應京東西河東陝西等四處幕職州縣官所受俸先是給一分緡錢其二分給他物自今以緡錢給其半半以他物充

東京亦裁知縣俸給詔

景德三年五月丙辰

東京亦裁知縣已令擇人務在精審其於俸給宜示優豐自今兩赤縣月支見錢二十五千米麥共七斛裁縣戶及七千以上朝官錢二十千米麥六斛京官錢二十千米麥五斛戶五千已上朝官錢二十千米麥五斛京官錢十八千米麥四斛戶三千已上朝官錢十八千米麥四斛京官錢十五千米麥五斛戶三千已下止命京官錢二十千米麥三斛春冬並給本官衣

文武官折支並給見錢六分詔

景德四年九月壬申

並建庶官以釐衆務宜稍豐於廩給使各礪於廉隅自今掌事文武官使臣各請折支並給見錢六分外任給四分其外但願請折支外物者亦聽

定百官俸詔

大中祥符五年十一月甲寅

上真降格景貺來同仰膺願謨之祥誕布扈鴻之澤眷惟多士共贊昌朝念盡瘁以在公宜推恩於賦祿今定加文武職官月俸三師三公百二十貫東宮三師左右僕射九十貫東宮三少御史大夫尚書左右常侍六十貫兩省侍郎太常卿御史中丞左右丞侍郎五十五貫太子賓客給事中中書舍人祕書監光祿衛尉太僕大理鴻臚司農太府卿國子監祭酒殿中監少府將作監太子詹事司天監四十五貫諫議大夫四十貫少卿監國子司業左右諭德諸行郎中三十五

貫太子少詹事二十九貫起居郎舍人侍御史殿中侍御史左右司
諫諸行負外郎四赤縣令三十貫正言監察太常博士通事舍人國
子五經博士太常宗正正秘書殿中丞著作郎大理正二十貫奉令
六尚奉御太子中允贊善中允洗馬十八貫司天監五官正十三貫
祕書郎著佐郎十七貫作大理寺丞十四貫諸寺監丞十四貫大理
評事奉禮太祝八貫諸衛上將軍六十貫金吾大將軍三十五貫諸
衛將大軍二十貫率副率中郎將十三貫內客省使三十七貫宣慶
引進宣政四方館昭宣閣門使二十七貫皇城已下諸司使二十五
貫副使二十貫內殿丞制一十七貫內殿崇班十四貫供奉官十貫
侍禁七貫殿直五貫奉職借職四貫兼閣門祇候供奉官殿直增二
貫侍禁三貫

令文武郡臣料錢依舊是錢詔

大中祥符八年十二月戊寅

昨以羣臣列位封奏再三懇以節府之幣餘盡充官吏之月入勉從
輿論誠匪素懷特示推恩並仍舊貫其文武群臣料錢宜令三司自
來年正月一日依舊並支見錢

誠約職田遵守元制詔

大中祥符九年七月丙寅

職田彛制品秩定規蓋優待於庶官且旁並於稍食夫厚祿食者蓋
欲聳其廉節務稼穡者亦在利于貧民竹介潔之治聞心甄揚而明
陟而州縣之職慈愛靡聞閔恤人勞且違田制開汙之始奪農力以
求歛熟之時峻公而奄取無水旱蠲除之忠無鄉原賑濟之恩
有一于茲勳興訟訴沮傷和氣深敗素風各宜革心用叶求治自今
天下群官職田並須遵守元制無擾客戶遇火沴且蠲省之

罷職田詔

天聖七年八月丁亥

洪惟先聖勤恤庶工謂原給之稍豐則潔廉之易守爰稽故實並賜

公田歲月寢深侵牟滋長間從起獄反以害人重念釐務之臣固多
秉節之士苟例停於租入將曷勸於官勤敏而均之孰曰不從其罷
天下職田悉以歲入租課送官且數上三司以所在時估定價例而
均給之仍委三司別行約束以聞

復職田詔

天聖九年
二月癸巳

天下吏給職田所以惠養廉節也而貪污之人並緣為姦侵漁細民
滋以為害比詔有司皆從停罷如聞勤事之吏祿薄不足以自養朕
甚憐焉職田即無得多占佃戶及無田而配出租違者以枉法論

致仕官給俸詔

景祐三年六
月十九日

國家言念近班良多舊齒既從致政或致食貧蓋限奏章惟頒半俸
况知止之所尚卹老以攸宜出自懷朕俾增優給支同時序以特示
恩霽誕告耆紳用旌年德宜令三司並依分司例支與請受每遇各

年寒食賜與節料羊二口米一石麴一石酒二餅仰長吏歲時存問
今後並依此例

不得裁減百官俸賜詔

寶元二年六月壬戌

朕猥奉鴻業深惟永圖恭已愛人勸精求理欲素樸行於天下風化
始於朝廷專命近臣議去浮費爰自東輿之所御以至宮掖之所須
盡屏分華一敦簡儉若夫設官置吏分總事聯經武制軍泰處營衛
惟其原稍之給具載等差之常務存定規無或過議其文武百官各
班行等俸賜宜令詳定所不得輒行裁減

定職田詔

度祿三年十一月壬辰

昔者先帝詔復公田令王制班祿之差得聖人養賢之義載原深旨
本自愛民比者搢紳之間屢陳利害之意以謂郡縣受地無有不稱
銓審補闕推吏為幸弊競以之傷俗因沿至于害人故嘗命有司斷

以定數誠足釐於浮弊然未安於予懷禮不云乎厚祿以勸群臣則下之報禮重凡厥文武仕於朝廷雖廉素者為士之常行而富貴者是人之所欲其全寬大之體自有公平之制所宜給其所未給均其所未均約為等差槩令周足使事父母者得以致其養蓄妻子者得以致其樂冠婚喪祭有所奉慶恤備問有所資不牽私室之憂不專公家之慮則六計可以弊群吏之治四方可以期衆職之修儼自犯於有司亦何逃於彛憲上廣先朝之惠示不敢逾下俾群臣之言審茲自定惟爾中外體予所存愿天下職田大藩府長吏二十頃通判八頃判官五頃餘並四頃節鎮十五頃通判七頃判官四頃餘並三頃五十畝防團使已下州軍十頃通判六頃小軍監七頃判官三頃五十畝餘並三頃縣令萬戶已上六頃五千戶已上五頃不滿五千戶並四頃簿尉萬戶以上各三頃五千戶各二頃五十畝不滿五千

戶並二頃發運轉運使及武臣總管比節鎮長吏鈐轄比防團州長吏路分都監比節鎮通判都監比蕃府判官監押比節鎮判官監當不得過本處職官之數在縣鎮監當不得過簿尉之數錄事參軍比本判官判司比倚郭簿尉宜令三司具所定職田並於慶曆四年為始內無職田處及有職田而頃畝少處并元探得山石積滯之地不可耕種者限三年內檢括官荒地并絕戶田及五年已上赴田添換其數若係官莊田見有人戶出租者不得一例支撥如逐處職田比今來所定頃畝不足即據見在頃畝及子利重興上下眾官等第均分如地內有桑棗果蔬之利者即以所收利約度折充職田其田許自差公人勾當并招置客戶每頃不得過三戶即不得全令州縣差人及招客戶或遇災傷並依例檢覆減放以上違者官員以違制論如恐減下職田子利不肯接災傷詞狀者亦以違制論其所收子利

並納官如將職田隱庇却合入差徭及却配虛作佃戶令出課者並
以受所監臨財物論仍專令逐路提點刑獄司覺察若犯者情重而
失於覺察亦當以罪生之

巡檢縣尉俸給見錢詔

慶曆四年三月壬申

國家設巡檢縣尉所以佐郡邑制姦盜也朕每念其勤勞而俸入未
優何以責其盡力乎自今巡檢縣尉月俸並特給見錢更不支支

官吏請給詔

崇寧五年八月十一日

朕閱神宗實錄見司馬光論節費自貴始竊聽兩府辭郊賞事恭聞
神考即賜詔曰惟昔先王之制國用視民時數之多寡方今生齒既
繁賦入又為不少理財之義殆有可思此之不圖姑務自損祇傷國
體未協朕心故在熙寧中增判司簿尉俸料在元豐中自尚書侍郎
至胥徒府史典庶人之在官者咸制祿增俸唯武選未成故未起暇

近者大臣辭俸與以率下雖頒朕旨裁及百官我國家富有四海多
士以寧位有高卑祿有差等高爵重祿朕常與衆共之使其足以仰
事俯畜然後可以養廉責功至若兼職者不得過三寄資者與其真
俸蓋嗣承先帝之未暇不為過也其可已乎以太平乂安之中國祖
宗積累之宏休嘉與衆共樂斯時而襲蹈哀世悉務裁損豈先帝
之志哉應官吏請給並依崇寧四年十二月以前指揮所有逆降指
揮可更不施行

御批趙挺之等辭請給詔

崇寧五年八月十九日

先王制祿各有等差或許卒辭人所視倣理財以義方此講修增以
養賢所費無幾所給既免裁損宰執豈可獨遺往祇朕恩勿復有請
可依已降指揮

宗室俸錢御筆

大觀元年八月二十日

皇家宗族屬有遠近禮有隆殺親親之恩義所當厚熙寧變法皆循中制而元祐紛更務從裁削失敦宗之道比詔故司條具奉上披閱累日被損過薄為之惻然可依下項數內右劄付戶部

一熙寧法祖免非祖免親出官者雖在外俸錢依在京分數元豐法祖免親授班行者錢建中靖國依外官分數給宗室既不補南班俸祿至薄今又不以見錢支給而限以外官分數頗聞貧窘不足可依熙寧元豐應祖免在京并敦宗兩院並支見錢任外官依在京分數

一熙寧法宗室正刺史以上每年公使錢絹各支一半後以清汚紬折以故宗室折用不足可依熙寧法唯以絹折仍三分以一分折絹

允戶部尚書詳定一司勅令左盾乞立學士至直閣以

上貼職錢御筆大觀二年五月十三日

設官分職稱事制祿輔弼侍從之官禮常優異而有職無祿非祿以

取貴之意可依所奏

貼職錢不以內
外並給

觀文殿大學士

一百貫

觀文殿學士資政殿大學士

八十貫

資政殿學士端明殿學士

五十貫內前執政
加二十貫

龍圖天章寶文顯謨徽猷閣學士樞密直學士

四十貫

龍圖天章寶文顯謨閣直學

三十貫

龍圖天章寶文顯謨閣待制

二十貫

集賢殿修撰

一十五貫

直龍圖閣秘閣

一十貫

公使錢

外任給內曾任執政官已上不限內外並給

觀文殿大學士

曾仕宰相錢一千五百貫

觀文殿學士 資政殿大學士

資政殿學士

端明

殿學士

曾任宰相執政官一千貫餘七百貫

龍圖天章寶文閣直學士直學士

待制樞密直學士及太中大夫已上

五百貫

已上兼安撫經略使或馬步軍都總管兵馬都鈐轄各加錢一

百貫

宋朝大詔令集卷第一百七十九

政事三十二

營繕

建平晉寺詔

太平興國四年五月丁酉

并門底定鑿輅凱旋宜崇衆善之因以紀一戎之業其行在所創為佛寺仍賜號平晉寺御製平晉記建於寺內

權罷京城諸處土工詔

淳化二年十一月

地氣方閉不可起衆興作以發天地之房致生人之疾疫應京城諸處方役土工並宜權罷以奉順時令焉

太極殿門詔

景德四年二月戊午

國家憲度動則於典經殿闥矩模遠視於神象緬惟烈祖常幸信都繕官闕以未周正名稱而靡暇適因巡省歷覽禁庭懸示于人姬號

非便宜從改作用叶桑章西京大山明堂殿前三門改為太極殿門

令沿路造亭舍休憩將士詔景德四年八月甲辰

曹利用總領銳徒討除妖孽春惟炎瘴之地且有暴露之虞其令沿路諸州創造亭舍俾之休憩

改左承天祥符門詔大中祥符元年八月戊辰

星馭告期乾符表異爰當清旭降自禁扉宜因瑞檢之文式著穹廡之號誕膺純錫永紀殊休左承天門可改為左承天祥符門

建昭應宮詔大中祥符元年四月丙午

昨者蒼昊顧懷紫清敷祐告先期於乙夜垂真謀於上春允謂元符是彰純錫朕屢采拜洛志在奉天順考前文發揮靈瑞爰遵輿誦將陟上封載神檢以啓行絨信辭而昭報洪惟景貺並務欽承是用俯通嚴城肇營祕宇奉金縢於恭館永閎貢文望靈曜於竹宮將期肅

拜方解工於伊始莫不日之克成况朕自臨萬邦僅逾一紀率遵卑
陰屢省艱難未嘗從節園游輒興土木今仰酬鴻恩特設殊庭祈純
嘏以教含生罄至誠而申昭事式新宏制以永丕承宜於京城擇地
依道教建宮以昭應為名

建靈苑亭詔

大中祥符元年六月庚寅

朕將崇昭報虔舉上封惟喬嶽之効靈涌甘泉而為瑞是宜覆之華
構立以嘉名彰不測之神功表無彊之善利泰山所建醴泉亭宜以
靈苑為額

天下有名在地志功及生民宮觀陵廟並加崇飾詔

大中祥符元年

十二月
癸卯

朕以列聖儲休千歲拱統登封降祥既精享於二儀崇德報功亦望
秩於群祀然率瀆之內遠古以來惟神道之聰明暨人倫之賢哲期

臻福祐用罄欽崇應天下有名在地志功及生民宮觀陵廟並加崇飾

命丁謂等為修昭應宮使等詔

大

吳穹眷命符瑞率臻度構真庭奉藏寶檢用祈福祐以庇蒸黔揆日惟良得功伊使時咨立侍特建使名俾督繕修副茲欽翼宜以三司使給事中丁謂為修昭應宮使翰林學士工部郎中知制誥李宗諤為同修宮使長州防禦使劉承珪為修宮副使供脩庫使監維宗為修宮都監仍令擇日赴遣使賜奠焉

加號玉清昭應宮詔

大中祥符三年七月辛未

上穹降鑒元命錫符特就神京創茲祕宇度宏觀於大壯協吉日於中星侔太紫之圓方介蒸然於仁壽爰從經始已建名構蓋所以述洪貺之孔昭彰至神之普應表其仙館以答丕休恭惟黃素之文降

自玉虛之境者茲題勝未極欽崇載考靈篇度增美號其昭應官宜以玉清昭應為名

今州府軍監閔縣無官觀處建天慶觀詔

朕欽崇至道誕受元符庶懃清淨之風永洽淳熙之化式崇仙館以介民禧宜令諸路州府軍監閔縣有全無官觀處擇官隙地建道觀一區並以天慶為額民有願捨地楹材枋蓋者亦聽

名迎真橋詔

大中祥符六年六月辛未

昨者祇若元符欽迎真像靈期允協茂典慶成乃眷飛梁寶登寶座宜更美稱用表純熙昇平橋宜以迎真橋為名

賜元符觀名詔

大中祥符七年十二月庚申

上昊敷佑秘牒垂文惟宏構之肇新表殊祥之所集每臨慶節必啓靈場維欽奉以彌寅顧深嚴而未極特崇真守載邇彤闈式效精采

永昭丕妃左承天祥符門內新建觀宜以元符為名

改殿名門名詔

大中祥符八年六月甲子

朕嚮明聽政垂拱會朝爰新大壯之規永契斯干之詠作方圖於太
紫層構既崇順啓閉於陰陽嚴局脩設將顯華勝宜易嘉名其改名
乾元門曰正陽乾元殿曰大安日華月華門曰左右太和天光門曰
大寧含光殿曰會慶

令採木石處建道場設醮詔

大中祥符九年九月己巳

虞衡所職斯伐以時屬真館之並興顧地材而畢取落成伊始美報
爰中俾展精修用符昭報宜令京東西陝西淮南江南兩浙荆湖路
應曾經木石處並長吏及佐官建道場內興工大處七日小處五
日仍設清醮以申報謝

建祥源觀詔

天禧二年閏四月甲寅

吳穹降鑒祥應合符茲彼甘泉設于靈壤蕩邪表異利物無窮洪惟
至神道此殊貺肇新宏構式報丕休致茲蠲潔之誠永介蒼黔之祉
宜令東染院使鄧守恩就拱聖營涌泉之地建觀以祥潔為名

賜中書門下不得剋起土木修造詔

天聖七年閏二月戊申

朕撫臨方夏惠保蒸黔期敦清淨之風以洽綏和之治向以率典梵
刹特建真宮蓋追福於先朝且延禧於浹寓茲惟重無事卹庀工載
思為國之規常務惜民之力在於營繕頗致煩勞固匪常經所宜廢
罷至若師兵之所處儲峙之所充凡有修完即從辨給庶免成於浮
費用克叶於阜財昨於在京修蓋慈孝寺資薦真宗皇帝及建太一
宮為民祈福今未並已了當今後京城之內除添修已成宮觀寺院
舍產外更不得剋起土木修造其三司合檢討應倉庫軍營官屋損
壞之處即不住修葺咨爾宰府體予至懷申告攸司奉若成憲

不修玉清昭應宮詔

天聖七年七月己巳

近以列真之庭天灾示變惕然顧省咎寔在于豈敢勤民重興力役玉清昭應宮更不修復其以所存長生崇壽殿為萬壽觀

兩宮金銀器易錢修大內詔

明道元年九月丙申

皇太后頃在先朝位隆內壺而供奉之物積在禁中近以掖庭不虞延燎所及今茲營葺大庀事功而朕親奉誨言惕思儆戒盡屏浮華之玩少俾調用之資皇太后與朕間中金銀器物量留供頒外孟付左藏庫易錢二十萬以助修大內

置睦親宅詔

景祐二年九月己酉

勅朕丕承天序厚撫親枝荷廟祧錫羨之祥致蕃厥廣茲之慶並聞卿第散處都城念撫集之或睽亦室居之多隘俾遷與塏新易規模示列次之有倫庶在宗之肯樂宜以舊玉清昭應宮地修蓋路王等

官院仍賜名睦親宅咨爾近弼申諭攸司督乃程工副于綏族

置朝集院詔

景祐二年十月辛亥

國家分命群官外釐庶務每代還於京輦或寓止於客坊雖處喧囂
頗罹清慢捨信書於往載有朝卽之舊規念夙宵匪懈之勞成表著
民儀之美特新公舍用請攸若宜於京城置朝集院

建顯烈觀御筆

大觀元年九月十日

藝祖皇帝啓運創業應天順人踐祚之初寔自陳橋方策具載紫然
可考其地今為傳舍往來踰履非所以緝朕顯揚祖烈之意可以其
地建立道觀賜以名額仍賜顯烈觀為額所有驛舍仍移於側近係
官地先次圻移修建疾速施行

賜諸路州學經閣名

大觀二年九月十九日

比聞諸諸州學有閣藏書皆以經史為名方今崇八行以迪多士遵

六經黜出家百而史何足言應已置閑處可賜名稍古

在京罷修天寧萬壽寺批何執中劄子御筆

大觀三年十月九日

象教之設誘進愚此薦厭往生若謂營構梵宮懇禱壽祺則未喻也
首肯本緣擲節浮費省惜土木工料仍舊名額非為廢寺歸美報上
嘉乃忠誠擇地建修理難反汗所請宜不允遵依已降指揮施行

臨平置塔御筆手詔

政和二年五月二十三日

臨平置塔初因錢氏相名寺起於治平匪緣近年創有增建恭京忠
貫金石志安社稷八年輔政一德不渝群邪醜正意在中傷毋為無
根之談真隨不測之禍比從閱寔灼見厚誣惟大臣立朝誼當自信
而哲王圖任可畏巧言願予心之宜乎豈衆譽之足慮特加開諭毋
或介懷

改建神霄玉清萬壽之宮御筆

政和七年二月十三日

天下天寧萬壽觀改作神霄玉清萬壽之宮為名如小州軍監無道觀以僧寺改建如有道觀處止更名仍於殿上設長生大軍青華帝君聖像

應修造不急可緩者權住御筆

政和七年六月初四日

國家承五季之弊宮室因仍百五十年上漏旁穿理當營構軍營倉庫宮邸第宅應繕完建造非一材木人工之費者般軍營建之勞軍工多有不足遂調差人無比聞甚困民力有司失職又往往不給價直中夜以思重加惻然民邦之本豈可重困可令尚書省并諸局相度應修造不急可緩者權住修造所用人物亦權住計置材木物料合行般買不得虧價及不得輒差或在人夫自今並剋刷廂軍役使運者仰廉訪使者及御史臺覺察以聞其緣修造輒科買抑配者人吏配廢南遠惡官員並除名勒停

委詣路提刑廉訪使因巡案所至點檢新宮御筆手詔

八年

二月二
十日

莫妙於道英神於天惟天與道覆冒萬物上帝以道御天監觀四方
惟德是輔朕嗣守大位嚴恭寅畏上帝博臨萬真屢降祥應普至萬
邦咸寧永惟修報之誠無得而稱迺詔天下作神霄玉清萬壽觀實
奉上帝帝君大君之祀以嚴報稱與天下祈福頤營繕之工以勞民
民力則改用僧舍或不辦置將期年于茲矣士大夫所宜奉令承教
協心享上以助崇極之報而三數州外玩弛弗虔曾不肅給明宮齊
虛或取設貌像或僅容數士敝陋不蠲弗稱靈明羽流仰訴輒被刑
戮豈所望哉意者溺流俗之邪見徇時人之好惡而為此耶否則非
聖慢令罪在不赦其令諸路提點刑獄廉訪使者巡按所至躬詣新
宮瞻視貌像考驗殿室凡宮所須究其避就觀其廢舉察其設施各

具奏聞將有收局手札詔示宜體朕懷

宋胡大詒令集卷第一百七十九

宋胡大詒令集卷一百七十九

宋朝大詔令集卷第一百八十

政事三十二

營繕下

玉清昭應宮成德音

大中祥符七年十一月乙酉

王者膺昊穹之寶命握河洛之珍圖必有嚴奉之誠仰答延鴻之祉
顧惟菲德祇紹元基勸翼為心早臻於大定高明降鑒荐賜於祕符
示惟清惟淨之言啓卜世卜年之兆雖蒼崖報本已躬展於緡儀而
羣檢騰文宜永緘於福地介庵恩於衆庶昭景祚於億年思致精衷
式圖不朽是用擇神阜之典壇法紫宙之宏規占星以揆其徒庸置
康以咨乎面勢環材山積克豐構廈之資哲匠雲臻曲盡成風之妙
命信臣而提領繁衆志之悅隨內則畚簣堅塗竭乃偃鳩之力外則
梗枹諸聖鑒茲供億之勤効規畫以彌精歷炎涼而未久蔚為壯觀

陋百堵之經營崛起重欄廣九筵之迫隘閭閻篇於紆問儼辟像於
琳房允符勿亟之文遽視惟新之制事無愆素功亦先期落以斯干
嘉底工之盡瘁布茲渙汗慶丕績之有成宜均煦育之仁用洽純熙
之貺應三京諸州限德音到日繫囚死罪十惡官典犯正入已贓應
不赦外雖犯死罪非巨蠹者奏裁徒流第降一等杖已下釋之玉清
昭應宮使已下並與加恩玉清昭應宮會靈觀部役軍校伎術官道
錄兵近仰王承勛等具名報修宮使覆奏聞奏各與酬獎工役將士
有願經冬不歸憩者勘驗分等第以聞諸州差役季替工匠安官勘
會聞奏蠲復徭役七次以上者免三年五次以上者二年二次已上
一年客戶第賜給錢諸州部送修宮財木什物牙吏委所差長吏勘
驗重難者遷一資餘優與差遣採取玉像般輦將士並賜給錢某州
被縣采玉石處免夏稅什之三他縣什之二其經由縣分兩次者免

夏稅什之二諸州佳剏聖畫匠的有藝者修宮使定名以開常典甄錄不順者聽從使自京至梓秦州般采色遞鋪兵士並與支賜兩浙荆湖採斫材木州縣官吏及制置發運司差殿侍軍大將官押修宮材植物料等人仰李溥具名件析常典酬獎軍校領役者賜緡錢鄭州賈谷山采石秦州采木軍士並委逐州勘驗名聞諸州差人即送材木等物如有通欠非作弊侵欺者並除之於戲集靈胥宇既福被於黎民霽澤中恩復惠綏於接壤益務旰朝之治更延敷錫之祥咨爾萬方體予精意

景靈宮會靈太極觀成赦天下制

大中祥符五年五月

門下朕祇奉璿圖茂膺寔貺而景輿臨暨醇誨述宣百世延祥授於崇獻萬靈翬贊顯於曲成由是仰戴詒謀內勤至孝勵醇精於夙夜報丕佑於開先載惟峻極之英方寔佐國清之默定並用指都城而

求吉壤法環極以建殊庭以至感電之區爰啓明霞之館乃締

所以欽奉遙源罄通追之志惠綏綿寓祈決洽之祥海縣
同寅官師協力珍材中度表地寶之應時哲匠效勤見人心之順美
後皆亟就事罔後期靈龜告猷屬當於吉序飛輦考室咸慶於得功
式頒渙汗之恩用廣疇勞之意而況長歲布令炎燠屆辰體盛德於
好生敷至仁於在宥應三京諸路繫囚除十惡至死劫殺謀殺故殺
並為已殺人官典犯枉法賊不赦外其餘死罪降流流已下並放業
靈宮使已下及江淮制置綏運使京東轉運使兗州官吏應副修宮
觀至成者並與加恩翰林待詔藝學工役將士諸司應奉修撰造專
典軍校兵匠委所由司錄名以聞並與酬獎諸州軍差雇畫塑手學
業精妙者當與收錄其餘奪替工匠七次已上者放三年本戶差徭
五次已上放二年三次已上放一年都城居住有稅屋者準上項放

免如客戶及無差徭可放者量賜錢米京東西山場採石及差在車牛夫力之家亦依次放免蓋梓州路莊南江浙發運司應奉宮觀物進銷船卒管押人員自京至兗州仙源縣進銷及急脚銷卒各有支給係牙職人量管勾官物多少與場務酬獎其管押物有逋欠並除放之得替幕職州縣官並與放還今年夏稅開封府祥符開封縣兗州仙源縣免十之三東畿兗縣十之二地居靈獄本歲祠將示蠲除因彰崇興兗州奉符潭州衡山華州華陰定州曲陽河南府登封五縣各免十之三五州府內餘縣免之十二陝西路京兆河中府同華魏羅等州江西兩浙路温州去冬已來人頗艱食今年夏稅未得催約逃亡軍人山林賊寇百日內許令首露限滿不至復其罪云云於戲葦蒿盈之守已展於黃陂間三面之羅蓋彰于欽恤覃茲麗澤秋于底邦僉增軒見之懷以介蒸黔之祉誕告遐邇知予志焉

奉安中太一宮神像德音 熙寧六年十一月癸丑

門下朕自履尊極于今七年順天依神罔不虔鞏監觀在上瑞福薦臻物皆林蓄民不疵癘而遂自秋杪愆陽至茲大田罹苗所被浸廣亦惟咎背夙宵宸恨會日官推策告我休符恭聞太乙之行已次中都之野仰法真室作為新宮維時仲冬廼日長至風遠近弼奉安歲容百神擁綏億姓鼓舞宜敷慶宥溥及多方庶迎靈貺之臨祈致嘉祥之應應天下繫因 云云 於歲天祚維德因肅乂以欽承民懷在仁尚福釐之敷錫更賴恭獻共圖丕平

上清儲祥宮成德音

元祐六年九月壬子

門下朕承六聖之寶圖荷三靈之孚佑惟恐一物弗稱前休願省風宵如臨淵谷上清儲祥宮實太宗皇帝所以追懷五季靡有孑遺之民為之請命昊穹以為振拔之地昔惟回祿三紀祀荒熙寧嗣功美

志未究太皇太后乃省孝孫基福之境克終光帝善述之心迄此釐
成安咸真駁聖鑒謹黃流之祿實慈躬明德之馨神人歡嬉道路鼓
舞朕膺天地之貺宗廟之靈嘉典元元于茲康其宜敷慶宥慈綏庶
尤無間遐邇均決幽顯應四京諸道州府軍監縣德音列日已前見
禁罪人除死罪依法內枉法自盜罪至死情理輕者奏裁開殺罪至
死情理稍輕者減一等其餘死罪降從流流罪降從徒徒已下並赦
云云於戲天饗有道無忘昭事之小心民懷于仁式示好生之大德
有孚以惠出令惟行咨予三事大夫暨爾萬方多士咸體朕意同底
丕平

益池成熙河陝西河東京西路曲赦

宣寧四年六月十八日

門下朕荷天之休因地之利用紹先烈以圖康功眷惟池益允資國
計靈雨大壤解澤久望比命鳩工遂聞底績水得其性神薦其珍暨

于青唐實我西土頃嘗擬定近輒解駟乃獲其醜隴右載
闕河源永清朕樂民食之行豈喜邊隅之嘉靖符克不庭之國獲回
既創之瀾然念餉餽夙有轉輸之勞興修不無調發之擾矜脅從之
衆恤甚罪之民宜推渙恩以惠敷路可曲救熙河陝西河東京西路
於戲勞來成役既憫其勤潤澤黎元肆如有省咨爾有衆體予至懷

三水永橋成河北京東西德音

政和五年六月十四日

門下朕受天命明若幃大猷永惟神宗傑立於三代之後深悼禹績
沒泊於六國之初經瀆壞於曲防造舟廢而病涉道追先志蔽自朕
心鑒山驪渠指九河既道之迹為梁跨址成萬世永賴之功役不二
時慮無愆素人絕往來之阻地無南北之殊靈祇懷柔庶民無踰脊
言朔野爰暨近畿各飾繁興新易轉徙民亦勞止朕是憫之其推在
宥之恩仍廣蠲除之惠應河北京西京東路

云云

於戲承天下之大

利以濟不通得萬國之歡心茲惟作解更在百執共思遠圖聖坊功
惑衆之誇守暫費永寧之寔不解于位永孚于休

修西內京西曲赦

政和六年九月五日

門下朕荷望天之丕佑承烈聖之遺休庶政交修彌文具舉瞻言洛
邑寔我西都崧嶽奠方肆講升中之典宸園在望申嚴謁款之儀而
宮宇寂寥歲時滋久廼鳩工而庀役爰起廢以增新形勢穹隆規模
雄偉盡易百年之舊永為萬世之觀言念卒徒自立於經營州縣不
無於勞費宜優近甸用渙深仁可曲赦京西南北路云云於戲考室
斯干和悅予來之衆有過作解函蒙天覆之仁咨爾群倫體予至意

神霄宮成奉安畢德音

宣和元年八月二十二

門下皇天眷予一德肇惟駿命之承上帝監官四方實有成能之助
朕紹圖本定體道希夷開祕籙以躬行崇圓穹而父事有聞寶系爰

自叢宵東極申休統萬天而下濟南昌翊化陶九聖以同和高平維
殊陟降無間粵若形教之顯見於交際之親矧聆辛卯之謠言仍契
壬辰之運麻冲科每設景取必臨劍鼎室以投室酒箬搏而枵腹弁
雷激電肅鴻趾之先驅擲火流鈴煥神光之下燭睟穆示紫清之表
煜煌燁燁象之篇題易建於祠宮既誕彌於寰宇惟中都之首善相
吉壤以湧工適觀厥成用宏茲責玉房金闕前瞻真寶之居望月珠
星直上天機之次甫來寧於肖像肆祇薦於明齋乾坤間證道路呼
舞御飛龍而來雲氣載延不測之神佑下民而作君師永迪無為之
治由中及外降福孔皆共錫謨恩以均丕貺應四京諸道云云於戲
昊天其子聿昭受命之符率土之濱斯洽好生之德咨爾有衆咸體
朕懷

宋朝大詔令集卷第一百八十

水朝大詔令集卷第一百八十一

政事三十四

河防

遣使案行遙堤詔 太平興國八年九月戊午

近年以來河堤頻決壞廬舍壞田畝數郡被其災先是築遙堤以遏民利其膏沃多種蔬居處於其中河漲即罹其患宜令殿中侍御史柴成務國子監丞趙孚供奉官萬彥恭殿直郭載分往黃河南北岸按行遙堤有不完處發丁男治之

修河命官安撫詔 天禧三年八月丁未

近以洪河溢于東郡申誠官吏即謀繕修願以資儲急於營度而京畿近地河朔與區境已之間既隣於封壤芻艾之用爰賴於委輸已命使司各申民畫酌其經費遂被便宜雖綸詔屢行務茲於優恤而

點蔡在念彌切於吾濟特遣使車往申存撫宜令度支員外郎判度支勾院方仲荀往京東路右正言判戶部勾院劉煜往京西路監鐵判官監察御史劉平往河北路體量安撫人民應有合寬恤改更事件與轉運使副所在長吏會議施行

都水使者趙霆奏黃河埽岸科夫修築事御筆
月十一日

河防夫工歲役十萬沿河之民困于調發可上戶出錢免夫下戶出力充役皆取其類買土修築可相度條畫聞奏

軍令

撫恤軍人詔 宣和七年十二月

十二月二十一日奉御筆國家養兵衣食農足近歲以來官不守法侵奪兵食或軍司上下公然乞覓或因事為名率斂錢物或逐月請

受刻剥錢數致令諸軍衣食不足又官員冗占人數很多或修造之處差借役使或掌兵之官違法差借既令飢寒又加勞苦所習事藝亦不得工夫閱習般擡離役之兵食浮於禁旅借債餉戰之卒役重於廂軍朝廷初不脩知雖懷撫養軍士之心而有司不能奉承輒敢困敗之如此近因整飭軍政躬親聽察衆情悉見弊端不駭聞聽自今衣糧並擇精好以時支給如敢非法借用冗占及差營造橋樑木植之類或乞覓率歛困乏軍衆者並重寘典刑必無輕貸仍勝逐營使軍人咸識撫存

馬政

禁富人市內屠戎人馬詔

太平興國六年十二月辛卯

朝廷先於邊郡市馬償以善價內屬戎人驅馬詣闕下有悉令縣次續食以寵之如聞富人多齎金帛詣塞上私市馬致戰騎多闕不能

充入舊貫者職此之由也自今一切禁斷違者許告每疋價錢十萬
私市者論其罪中外文武官犯者所在聞奏

許民市沿邊戎人馬駑駘者詔

太平興國八年十二月已酉

先是禁民於沿邊諸郡私市馬戎人賣馬官市良而繁駑又禁民不
得私市往來死於道者衆戎人所利國馬無以充舊貫自今邊郡謹
視馬駑駘者刻毛以記許民私市庶羗戎獲利而威驅馬通閔市有
以補戰騎之闕焉

給地養馬御筆

大觀元年七月二日

給地養馬雖屬漕司悉力奉行實在州縣况蕃酋徒兼隸城寨而可
令知興州姚雄下至州縣城寨官恪遵成憲毋或減裂法度推行有
緒人戶所養教多當議褒賞

縣鎮官衙內帶兼管給地牧馬等御筆

大觀二年四月日

迨述先王寓馬於農之意募人給地兌租牧馬行之期年熙河頗見就緒然圖法不能自行要在川縣協力赴功以底成績可令縣鎮城寨閑堡官衙內並帶兼管勾給地牧馬事佐官同管勾庶幾人人知所責任

川茶博馬御筆

大觀
月 年
日

川茶有數品而唯雅州名山茶為外人貴重可令熙河蘭湟路以名山茶易馬恪遵神考之訓不得他用以餘茶博糴量度茶數勿使過多蓋多則賤茶而吝馬少則賤馬而貴茶可委陳敦復措置聞奏

帝平

右曹三雅不報或踰年不給絕并行遣失帝具奏御筆

政和
六年

九月二
十二

帝平散歛之法民受其賜踰三十年歲久法玩吏緣為姦州縣監司

習以為常事有稽緩至累年不決文移取會輒不具報赴訴省部日
常有之民失其平提舉官號為事簡不復省察紹述之政莫此為最
而弛廢若此非可以奉承先志可令戶部右曹應三催不報或踰年
不結罪并州縣監司行遣失常並具奏劾官隨重輕黜責吏配千里
仍令尚書省御史臺覺察糾劾以聞

今後常平錢物散有陳乞借用者以大不恭論御筆

天
和
七
年
十
二

月
十
八
日

朕惟神考以道制法授之於上而守之於下著在方冊萬世永賴比
覽元豐常平令裕民理財弛役賑乏條約嚴脩莫敢損益爰及紹聖
深戒庀司侵蠹之弊雖奉特旨支借撥用終不奉行故國九年有之
蓋而府庫所聚露積不但天下富實近歲以來開他司借支之請常平
所儲殆廢其半是豈繼述之政哉應日前諸路他司借支常平錢物

並特除破與免撥還今後仰遵守元豐結聖勅令敢有陳乞借用者以大不恭論

常平斂散必時毋得拖欠違者以大不恭論御筆

政和八年正月二十

常平斂散之利天下甚博而比年以來諸路拖欠至今及散而遽取之甚失神考制法之意仰常平司常切遵守條令斂散必時毋得拖欠違者以大不恭論監司互察御史臺彈奏

審度糴糴并推行保伍等不如條令者黜罰御筆

宣和元年六月二十

仰惟神考勅法垂統以惠天下以詒後世載而傳之存乎書推而行之存乎人朕適追先志罔敢怠忽蓋常平之政以年之上下制穀價以歲之豐耗為興積儲蓄盛多兼并無所牟大利而黷厄賴以濟此

仁術也比年官失其守他司移用殆盡上下頽望其敢誰何糴本既竭儲蓄一空利歸煮并民受其弊保伍之令聯其教令其制於以察姦於以寓兵使其出入作息相屬也邇來有司殊不經意開收併割既不應令解簿姓名又非其實保內有犯未聞行法匿盜三日曾不究治州縣籍記惟以牽拽木石津送州軍修治道路將迎使傳民甚病之監司任外莖耳目之寄政令所下付以推行州縣失職付以按察除授非人廢法不行違法不按希望進取貪求供饋不顧義分又託以專委在司終歲不行可部或非時譙會妨廢公務仰諸路提舉常平官檢詳前後詔條令州縣管勾官審度年歲遇賕必糴遇貴必糴毋容姦猾敢肆欺弊常平錢米不許他司輒有移用雖本仰竿支借亦須執奏不行每歲春季提舉司具前一年部下所糴所糶及所收息數申尚書省取旨賞罰若糴糶失時及有欺弊官以違制論人

吏決配千里提舉保甲官督密州縣都保有不如條令者並限一月
改正如奉行違戾不依法差使並以違御筆論保內有犯及匿盜三
日皆須究治依法科罪即匿強盜十人以上及十日者加二等本縣
當職官不覺察以違制論知通監司不按劾與同罪監司失職廢法
不行違法不按或行部不應令或貪取不顧義或雖按吏而獨後者
並仰廉訪使者自今三年內具事狀以聞當議重行黜責廉訪使者
誣人功罪朋比為私不得其真許監司互察常議處應除授監司乃
可遵守前後御筆處分必擇材望為衆所推曾任通判以上資任人
充選毋使遂非其稱取誚一路或用非其人令御史臺論奏敢有不
承必罰毋赦

約束謹守常平之法詔

宣和元年七月九日

朕惟神宗皇帝繼英脣不世出之資常大有為之時修飭百度措治

三五之上所以加惠海內甚屋常平之法實本周官其敎最有時其
取與有義視年豐耗權其開闔必使上常有餘下無不足此成康所
以致太平也當時論者不深惟其故譁說妄議以非沮建立為能逮
元祐餘黨尚熾抵戾投隙肆為紛更哲宗皇帝發日月之明奮雷霆
之斷振邪舉直振而起之故元豐美政鬱而復彰仰惟神宗作之於
衆說方異之初哲宗續之於良法既壞之後二聖之烈為萬世法朕
祇適先猷夙寤展興罔敢取逸所賴忠信之長慈惠之師相與往來
播敷使實德降于國人乃不務是習為苟簡一方水旱則怙視轉徙
漫不省察部使者督制郡縣寔天子耳目所為若此朕復何望夫繼
其志述其事古所難也予一人躬任之祇率厥常監于成憲今所易
也爾尚勉為繼自今以往惟謹守無怠儻或弗恪罰不可寔咨爾在
朕其體朕懷

約束常平散斂羅羅等詔

宣和元年八月十二日

常平之法先帝力辨異議斷以獨智建立至艱付畀為重比年以來
提舉官任非其人法今日以弛廢已兩降親詔令及三省措置及慎選
使者外比覽奏牘有一年之間一縣拖欠常平免役坊場等錢至數
萬貫石并逃亡詭名失陷本息者不可勝計或人吏冒稅戶姓名給
納拖欠或常職官縱容知情冒請錢數以新蓋舊支收不定頒按劾
所聞者如此其衆舉天下言之則姦汙愉惰之吏不特擅支借用公
違先帝成憲積累失陷日侵月削斂散羅羅何緣解足其前項違法
官吏等中書省候按到將上取旨重行覈責叩諸路提舉常平官候
指拆到躬詣徧行取索點檢違法廢令去處按劾以聞仍聞具所部
有無拖欠及失陷本息逐一具旁通聞奏今後給納散如甲狀不
寔差公吏人并命官之家說名假冒卑幼私請并兩經倚閣或年終

有欠轉行給散差公吏人緣給納受乞或將新蓋舊抑勒留難一切
違法當職官及管勾官不按劾仰請憲并薦訪使者互察聞奏當議
重行黜責仍許人戶越訴疾速行下

宋朝大詔令集卷第一百八十二

政事三十五

田農

賜郡國長吏勸農詔

建隆三年正月甲戌

生民在勤所資惟穀先王之明訓也朕以萬邦大定漸屬於隆平百姓為心欲臻於富庶永念農桑之業是為衣食之源今者陽和在辰播種資始慮彼鄉閭之內或多游惰之民苟春作之不勤則歲功之何望卿仕居守土職在頒條一方之憂寄非輕萬室之蒸黎是賴宜行勸誘廣務耕耘南畝東臯俾無遺利用天分地各有餘糧極其庶業之功致我倉箱之詠勉思共理別朕陸明

勸農詔

建隆二年正月辛巳

朕以農為政本食乃民天必務精以勸分庭家給而人足令土膏將

起陽氣方升苟播種之失時則豐登之何有卿任隆分土化洽編氓
所宜趨東作之勤副西成之望使地無遺利歲有餘糧勉行敦勸之
方休我憂勤之意

勸栽植開墾詔

乾德四年
八月

五代以來兵亂相繼國用不足庸調繁興園桑柘以議蚕租括田疇
以足征賦逋逃所均出里閭致樹藝之不得勤污萊之以不敢辟虛
遺地利重困生民朕歷試艱難周知疾苦四方甫定七載于茲節用
安人敦本抑末有經費未嘗加賦聞災沴即議蠲除方致小康固無
重斂爰頒詔旨徧諭憂勤庶幾畎畝之間各務耕耘之業宜令所在
明加告諭自今百姓有能廣植桑菜開荒田者並令只舊租永不以
通檢其諸縣令佐如能招復逋逃勸課栽植舊減一畝者更加一階
凡爾蒸蒸當體朕意

汾河州縣課民種榆柳及所宜之木詔

開寶五年正月

修利隄防國家之歲事勸課種執郡縣之政經繕完未息於科徭刊伐慮空於林木如聞但責經費不思教民言念于茲殊乖治体自今應汾河州縣除舊例種執桑麻外委長吏課民別種榆柳及所宜之木仍按戶籍高卑定為五等第一等歲種五十本第二等四十本餘三等依此第而減之民欲廣種樹者亦自任其孤寡廢病者不在此例

使民惇本從儉詔

太平興國七年五月癸丑

凡民惟邦本本固邦寧傳云人生在勤勤則不匱故一年耕則有三年之食一日勞則有百日之息所以惇本厚生足食之原也如聞南畝之地污萊尚多比屋之民游惰斯衆歲稔則犬馬有餘於梁肉飢年則妻女不厭於糟糠罕能固窮遂至冒法豈君人者教化之未審

為吏者訪導之申方宜中敕戒之條式變已然之俗令膏澤屢降宿麥
將登常及豐候吏為備蓄應州縣長吏限詔到日告諭鄉民常歲所
入除租調外不得以食養大荒酒醪嫁娶喪葬之具並從簡儉少年
無賴輩相聚蕩博飲食者隣里共捕之凡爾民庶宜體朕意

置農師詔

太平興國七年
閏十二月庚戌

民為邦本食乃民天常念稼穡之艱難每慮田園之荒廢廣興山澤
之利大開衣食之源既富庶之未臻益勸課之猶闕宜令諸道州府
應部民有乏種及耕具人丁許衆共推擇一人練土地之宜明種樹
之法補為農師令相視田畝沃瘠及五種所宜指言某處土田宜植
某物某家有種某戶闕丁男某人有耕牛即令鄉老三里胥與農師
共勸民分于墾土種時俟歲熟共取其利為農師者常稅外免其他
役民家有嗜酒蕩博怠于農務者俾農師謹察之關於州縣寘其罪

以警溝情為所墾所田即為永業官不取其租詔到宜並行之無或稽緩

民訴水旱二十畝以下皆令檢勘詔

太平興國九年正月辛未

朕每恤蒸民務均典賦或有災沴即興蠲除蓋歆惠貧下之民豈須以多少為限自今諸州民訴水旱二十畝已下者皆令檢勘

遣營田使副詔

端拱二年二月癸亥

農為邦本食乃民天遐觀載籍之格言此實帝王之急務將令敦本無出勸農且思河朔之間富有膏腴之地法其井賦令作方田三農必致於豐穰萬世可知其利濟今進左諫議大夫陳恕楚知古鹽鐵判官魏羽索綱河運使拔丙副使孔蓋充逐路營田而使副往興工春惟恭庶各有耕桑聞置創茲之言諒惟呼之意

約束流民歸業不限半年詔

淳化四年一月癸丑

應開封府管內百姓等一昨霖霖作沴水潦荐臻多稼既被于天災
盡室不安於地者遂致轉徙其時依先是今年三月辛亥詔應流
民限半年復業限滿不復即許鄉里承佃便為永業又念民之常往
安土重遷離去邱園蓋非獲已自今年十一月以前因水潦逃移人
戶任其歸業不得以辛亥詔書從事

募民耕曠土詔

至道元年
六月丁酉

近年以來天災相繼民多轉徙田卒汙萊雖招誘之甚勤而逋逃之
未復宜伸勸課之令更示蠲復之恩應諸道州府軍監管內曠土並
許民請佃便為永業仍與免三年租稅二年外輸稅十之三應州縣
官吏勸課居民墾田多少並書於印紙以俟旌賞

令轉運使申飭令佐勸民栽種詔

至道元年十
一月辛丑

勸農種藝素有定規如聞近年多不率職非所以副宰宇之寄厚衣

食之源宜令諸路轉運使申飭令佐勸民栽種歲捐書麻以為課績

禁約糶糴米穀食物詔

景德四年九月己卯

所食惟穀兆民之天出於耕耘足謂勞苦今萬邦嘉靖五稼大穰是謂有秋允符上瑞如聞里巷多可棄捐宜令開封府告諭居民無得糶糴米穀食物犯者重寘其罪

令十月後方得焚燒野草詔

大中祥符四年八月丙午

火田之禁著在禮經山林之間令順時令其或昆蟲未蟄草木猶蒼輒縱燎原則傷生類式遵舊制以著常科諸路州縣畬田並如鄉土舊例外自餘焚燒野草並須十月後方得縱火其行路野宿人所在檢校無使延燭

京城四面禁圍草地許百姓耕墾畜收詔

天禧元年八月壬申

朕臨御以來恭勤自勵宵旰之暇固絕於從禽翔蠕之微咸思其遂

性刻自神宗在宥德化誕敷每輟畎遊動形勸戒率循丕矩允協重熙既元命之博臨茲端誠而匪懈悉罷五方之署遂除三面之羅乃眷郊畿尚存禁約宜布絜綸之旨用均撫拊之恩其京城四面禁圍草地令開封府告諭百姓許其耕墾畜牧

令儲蓄誠者備詔

天禧二年五月壬戌

民氓之衆稼穡為天將防水旱之虞在乎儲蓄之脩與其肆情于侈靡曷若盡力于耕耘所謂利用厚生既富而教者也如聞風俗尚習澆浮器用服裝動踰規制車馬屋室日務僭奢雖遇順成靡聞克積時更小歛田或未收皆至匱乏莫得周給念黎庶之有是豈教導之未周今年屬豐登下無徭役戒其既往誨以自新宜令三京諸路揭榜曉諭常加察舉有孝悌力田儲蓄歲計者長吏倍加存恤之

歲終誠不得枉費詔

乾德元年四月乙酉

今宿麥已登秋種尚茂所宜修耘以厚生民其謹蓋藏毋或損棄宜令州縣告諭人戶夏麥登熟不得枉有糜費

勸農詔

勅朕惟德之不明亦至於用武久興師旅重困黎元有閔民愛物之心誰能副予意者信賞必罰之令今將舉而行之朕言有條其聽毋忽夫農天下之本也凡為國者莫不務為要將節用則易充勉其力使不墮今夫食者甚衆而輸者已殫勸之不勤而取之仰足使民盡耕猶不給而半為游惰之手使歲常熟恐乏食而多罹以水旱之凶調歛不得已也而吏之不仁者緣以誅求賦役自有法也而政之不明者重為煩費農者有幾害者若茲欲寬吾民何可得也既富而教豈無術乎體予茲懷望爾良吏自今在官有能興水利闢田荒課農桑增戶口凡有利于農而不擾者有司具其賞格當議旌酬其或陂

池不修田野不開桑棗不植戶口流亡慢政虐官亦行降黜夫言而不信法弛於寬朕久患之方思革弊爾毋習舊態慢我新書此匪虛名必期責寔凡為條約告示既明實不吾欺罰無爾悔

無奪民時振救失業詔

治平四年閏三月乙巳

朕惟方今孟夏乃農民作勞之時比來歲少順成今春雨澤以時農民桑蠶穀麥種作勤勞一歲之功併在此時尚慮州縣閭閻之吏覆按細罪拘牽微文名呼證辨連逮丁壯加以興土木不急之務留繫工役理公私未償之負監錮其身失業數旬受弊卒歲委安撫轉運司明加教誡省事息民無奪其時仍令州縣吏躬親勞農勸民專力致勤務盡地力毋或自失以俟有秋給公上奉孝養焉其有去歲不登今春少雨農民艱食失業者令所在郡縣速振救之無使流移以稱朕愛民厚農之意

蘇湖相度

禹貢三江既導震澤底定今三江之名既失其所水不趨海故蘇湖被患可委本路監司選擇能臣檢校古迹循導使之趨下并相度圩岸聞奏

蜀江修堰禁約御筆

大觀二年七月二十一日

蜀江之利置堰既田旱則引灌涝則疏導故無水旱之患其利甚博然歲計修堰之費數於民工作之人並緣為姦濱江人以戶困於騷動自今如敢妄有檢計大為工費計所刺坐職論入已往自盜法許人告

屯田司修完塘堤御筆

大觀二年十一月十七日

諸水為塘以除水患留屯營田以實塞下爰自祖宗設官置吏分職聯治自可一司專提其事歲月浸久州縣習玩訪聞比來塘堤不修

水潦穿溢出害民田綿亘千里雖有司存上下苟簡殆同虛設可令
七田司並循祖宗以來塘堤故迹重加修完務令堅固卽別不得增
益更改引惹生事本司可比本路提點刑獄序官提刑之上舉官按
罪吏屬等務可令相度條具來上餘悉仍舊